







# 新鐫雲間眉

先生名雖近代寔則古  
雖有書散落人間延無版  
可公天下用是特補一時  
之缺庶幾永作千秋之傳  
覽者什襲而珍可也

史宅藏板

眉公功集每  
部價銀肆錢

# 公陳先生集

自序

大道冥寂奚取碑句磔鑿元氣

點綴鴻濛非至人所為然老氏

滅跡銷聲猶以五千言留世其

猶大塊噫氣萬籟自鳴叫者誤





者突者咬者調者刁者此  
其不得鳴天鳥乎知予自弱  
歲焚冠築婉孌艸堂于二陸遺  
址釣絲樸斧之外借不律隕糜  
粘吳送日聞牧唱漁歌舉而和

之響振水樾自謂此樂與世之  
朝鷓絃夕鴈柱者固自有異若  
夫詩則漢魏六朝三唐文則先  
秦兩漢或離而合或合而離不  
敢與優孟以肖壽陵較步自有



吾之詩吾之文而已顧平生不  
喜留卓隨作隨逸一日受人史  
辰伯氏自吳昌來手捧一函揖  
謂予曰此陳先生詩若文也將  
事梨棗唯先生輯而授我予笑  
謂辰伯為我殺青不若為子浮  
白身與名孰親老氏能言之予  
唯潛神塞兌之餘與漁歌牧唱  
荅和娛老願且畢矣使以區  
救帚博身後名字取以覆酒甕



辰伯俯不答  
胠篋掉臂而去

萬曆乙卯秋八月華亭陳繼儒

題于小崑山之香笛步



陳眉公集目錄

卷之一

賦

快賦

四言古詩

夏日卽事

隱居

山居二首

其一

其二

游西湖二首

其一

其二

題枯木竹石圖

題東坡笠屐圖

題畫

題杏花鴛鴦

襍詠七首

其一

其二

其三

其四

其五

其六

其七

秋山行

小崑山聽經山僧索贈三首



贈見無上人

贈本空上人

題僧塵

聽經罷作

題桃杯二首

其一

其二

為周仲渭題其尊人草庭圖

題百子杯

卷之二

五言古詩

夢遊仙

入山招隱

山居謝妓

贈陳貞母

和王青浦盤花作

朱修能以梅花時復訪余白石高齋因次前韻

索和四首



其一

其二

其三

其四

湖石

七言古詩

賀袁振南得子

秋日有懷山中舊居

觀燈歌分韻得花字

壽東鰲項華亭歌

朱明初麗歌

送項鰲奉召北行

山居漫興

余以秋季比冬末避喧山中漫賦此歌以卽事并寄懷云

贈人

題璉君瑕畫

沈園與諸生讀書作

送何師南遊

彥平社兄以端午歸攜李戲作歌以贈之書于

文度畫扇之左  
壽詹郡侯三月誕辰歌行

夜飲蘆花灘歌

楊孝子歌 有敘

梅顛道人歌

六旬雙壽

師古先生草堂漫賦

王使君盤花歌

護松篇為馬仲良關使君作實從趙凡夫之請

也

題十峯圖

贈孫雁洲先生

送孫世聲遊白門

卷之三

五言律

題淵明蓮社圖

佘山卽事二首

其一



其二

園居四首

其一

其二

其三

其四

寄王辰玉

遊小崑山

薛伯起來自四明同郁太碧何士勝集林元裕

叢中

送陸君策計偕

送郁太碧歸樵李

寶劍

秋日山遊夜宿僧房作

送友之京

山中作

荅天台僧寄惠藤杖

送郁太碧歸就李

雨夜召客

贈秋潭僧

初夏同唐元徵楊彥履范爾孚董玄宰看花集  
酌顧中翰東園分韻得花字

送太府李思弦解郡

壽何五泉六十

贈張慎伯

宮人鬪草

感賦贈孫世聲

七言律

送項東鰲入覲

壽吳醫士父

荅遠

汎泖登塔四首

其一

其二

其三

其四



三柳重陰贈賀項華亭課最北上

送方衆南北上

詠白燕二首

其一

其二

偕佛占嘯民下山同泛嘯民善嘯

送王辰玉

賀詹郡侯考滿併壽

賦得宮人鬪草

山中作同沈孺休孫世聲

壽朱近溪

樵李丁烈婦伏劔殉夫士大夫卜壤塋之送者  
萬餘人拜墓之後感而賦此摠六首

其一

其二

其三

其四

其五

其六

新秋六首

其一

其二

其三

其四

其五

其六

雪中舞鶴十首

其一

其二

其三

其四

其五

其六

其七

其八

其九



其十

壽汪先生九十

壽周崇德 七月十五日

送蔡禮卿之嶺南

春暮作

壽丘伯畏六十 時逢長至

壽關使李叔玄母夫人

贈貫蘇臺

壽韓封君七十二首

其一

其二

軒司馬首唱依韵奉和二首

其一

其二

贈梅顛道人三首

其一

其二

其三

卷之四

五言絕句

竹

遠興

新秋寓山寺作

贈山友

題扇頭芭蕉

登烟雨樓值雨

題畫

題季仲舉扇

山居

詠古

穆天子

韓重荅紫玉歌

細腰宮

五大夫松

鴻門碎玉斗

江皋解佩



李夫人

青塚

爨下琴

白門柳

鄭櫻桃

習家池

王鏡臺

贈金陵汪妓

詠花竹十二絕

木筆

山茶

蘭

風竹

梅花

蓮花

芍藥

菊

茉莉

繡毬

桂

方竹

題淡雲上人碧桃園

贈三懷和尚

贈素雲上人

題竹石茅屋圖

春日山中人招飲

題淡雲上人綠筠圖

題雲山圖

耽隱

秋郊晚酌

題竹柳圖懷古

相如滌器

解語花

重登烟雨樓作

題紅梅

題周草窓草窓閒讀圖扇



題孫侍洲東方朔圖

戲題范長白夫人團扇

贈周草窓

贈五湖漁父五首

吳興周叔隱

其一

其二

其三

其四

其五

山居二首

其一

其二

過習靜山寮遇西域釋

卽翠微深處

讀書村遇雪二首

其一

其二

六言絕句

過虎丘

寄居山寺

自詠

贈道南上人

贈雲麓上人

九月一日作

春日山居睡起卽事

小崑山聽經畢作

贈龍塘上人

題野僧茅舍

題山中臨水僧舍

坐僧舍紫藤花下

七言絕句

題觀濠堂三首

其一

其二

其三

池上作二首

其一



眉公集  
其二

題壽山福海圖二首

其二

其二

贈山中人

題士倩畫

送人還山

游仙詩

限韻香字

長韻訪鄉居友人

題趙子尊畫

壽朱錦林母七十

題壽金少愚

春游過貞女墓有感

春閒曉起

湘妃竹

以下二十絕詠古

秦王卷衣

吳王試劍石

眉公集  
高帝斬蛇劍

賈佩蘭出為段儒妻

探丸

藏鈎

蹴鞠

鞦韆

春日獨當壚

七寶避風臺

薛夜來

清夜游西園

愛妾換馬

采蓮曲

若耶溪

北風吹裙帶

官蚕

燕姬墜馬

春閨怨

小崑山贈雪浪禪師



贈山僧

同郁季雅過庵山慧川上人

題聞一上人壁同孫世聲朱孟博

初夏欲往小崑山爲包彥平題扇頭紀事

米子華金華居士也彥平來雲間諸社友皆集  
鴛鴦湖頭送之渭城之甸子華獨闕留以待之  
余爲拈此米南官癡絕東坡謂吾從衆余亦類  
是耶

梵園

春日題野寺

得純陽焚香掃石之句偶作一絕

新秋雨中贈士倩女俠畫扇頭

同南華載菊候士倩代題

題泖塔

山中寺

題畫

題瞻親圖似徐奉蓆

春郊卽事二首

其一

其二

題壽安寺壁

題漁圖

秋隱

送友人游南都

過孫世聲園居

窟拂不拘韻

感世

送黃孟威之金陵

孟威唐元徵甥也

送郁太碧歸就李

初夏卽事

七夕晒書有感

同玄宰山中看梅

聽泉

送僧

春仲作

題鐵婆

吳中妓也



鐵婆獨宿

題趙拔書雲山

拔書妓也

題無塵禪師立關九載

送吳君得南試

秋夜聽張女士鼓琴

贈項將軍徵父

泛舟

贈殷東臯隱士

贈殷志伊

山居

看梅作

澄鑒寺詠十二絕

九月過泖橋僧舍移竹裏梅花種之小閣前

竹留梅花

梅花荅竹

梅花別竹

竹送梅花

竹怨梅花

梅花蒼竹

竹嘲梅花

梅花嘲竹

僧為梅解

眉公為竹解

眉公又為梅竹解

春日雨霽同修能泛舟作

試吟茶作

題蘭竹

送孫世聲再遊虞山

春天雨後

夜游烟雨樓二首

其一

其二

游煙雨樓

詞

漁家傲

游吳延陵別業作

青玉案

荅純父司馬



點絳脣

春日同友人載妓游泖

點絳脣

送包彥平歸鴛湖

點絳脣

題天池

點絳脣

題孫世聲金石齋

避暑作

臨江仙

讀書臺卽事

清平樂

村居卽事

一痕沙

舟中挾王六妓

粉蝶兒

詠清明非調九首

醉春風

滿庭芳

普天樂

折桂令

錦上花

么

碧玉簫

鴛鴦煞

步步嬌

醉春風 題小濤扇頭紅梅

點絳脣 暮春同仲文振之遊悟宗上人山寮題壁

松下樂 和張伯雨

卷之五

敘

米襄陽志林敘

范忠宣公全集敘 代

三才圖會序

藏說小萃序

姚叔信先生詩集序

川上集序

屯雲居寤言序

鄒公履稿序

秦稅紀序

又

聞鴈齋筆談序

臥遊清福編序

詩經註疏大全集序



栖真志序

武則天刪偽經目序

建文朝野彙編序 代

建文朝野彙編序

皇明世說新語序

唐道徵文序

王節婦完節編序

趙無聲全集序

王辰玉全集序

卷之六

題禁巒序

紀游稿序

題顧仲方詞

代友人題筆花樓詞

董玄宰制義序 代作

評註表選序

題楊彥履稿序

序董玄宰制義

代門生跋董太史文抄

周志齋制義序

羅令君應召北行序

題素位編序

題李茂承詩草序

題李茂承詩草序代

雕蟲草序

紀遊稿引

王辰玉四書義序

題陳敬夫懷椿堂稿序

擊筑草序

國策贈序代

東坡先生禪喜集序

題南游稿序

靜嘯齋集序

居廬集序

詠物詩序

鳳凰山房稿後序



雙魚編序

玉鴛閣詩集序

文苑豹斑序

谷響錄序

卷之七

泛泖吟序

善惡報應圖說序

元史隱逸補序

范忠宣公集序

代

倪雲林集序

陟岵瞻松圖序

四書證義序

盛明小題選序

高長抑玄珠館小草序

朗閣草序

代徐澤夫自序吹篴稿

耦耕草序

尚書口珠序

論贈小序

菁陽集選序

茅孝若詩序

陸官保適園序

代

董太史來仲樓隨筆序

古今粹言序

棘隱園漫草序

甲秀園集序

北游草序

酒顛小序

茶董小序

蕉葉抄引

快雪堂歲寒盟引

賀郡司寇毛公三載奏績序

送郡侯詹濬源入覲序

賀張裕齋榮轉常熟令序

代

賀畢白陽公祖榮滿序

送畢司理考滿榮擢詩冊序

代



賀徐太卿寅陽冢孫嗣大金吾序  
食物輯要序

卷之八

壽文

壽官保陸大宗伯平翁序 代

太子太保王公七十壽序 代

壽王相公七十序

陸宗伯壽言序

壽元輔少師申公七十序

壽涇陽顧先生六十序

壽封修撰見峯張老先生八十序

壽胡玄渚先生姚孺人偕老序

陸仲華先生六十敘

壽孫太公七十序

壽李母袁孺人六十序

壽雲泉禪師七十序

壽碧漢金公六袞序

賀馬公一泉八十榮壽序 代季雁山

眉公集  
壽包瑞溪老先生六十序

賀張光祿首峯翁八十序

代

壽觀察使受翁張老先生八十序

代

壽大藩憲淳菴盛公六十序

代

壽希白李先生七十序

壽鄭母沈宜人七十序

壽徐太恭人八十序

賀張母洪太君榮壽序

代

丘氏壽言小敘

壽南玄韓太公七十序

卷之九

記

許公治青浦河功告成記

觀濠堂記

遊桃花記

重修蘇州范文正公祠堂記

代陸宗伯

求忠書院記

韓青浦遺愛碑記

壬子



肩公集  
占星堂記

代徐長孺

貞靜菴碑記

梅花樓記

韓青浦惠商碑

壬子

劉河將軍張公去思碑記

郡司馬尤公遺愛碑記

松郡侯情符蔡公去思碑

綠野池記

朱世甫楓野圖記

羣玉府記

卷之十

論

左傳

佛氏

四皓

卷之十一

題詞

筆花樓新聲題詞

代楊彥履

新柳詩社卷題詞

題小崑山賦詩卷後

題馬妓画蘭

燈下畫扇有題

題董玄宰倣雲林筆意圖

題吳渾之印宗卷後

題李舜卿新柳圖

題玄宰桃林春色圖

画季雅扇并題

題自畫季仲舉新柳扇

題君釋画扇

爲朱孟博題研山

題張清臣扇頭

書楊彥履藏莫廷韓書卷後

書袁石公瓶史後

題袁冊

題袁冊

跋



題跋扇頭畫

書蘇長公硯銘後

跋蘇長公帖尾

又跋

書吳君得扇頭

題畫

題布袋和尚像

題畫羅漢

題真率傳

入題林下盟

題梅墟屋壁

題船牕駢語

題董玄宰畫

跋公權真榻

范牧之臨蘭亭帖跋

跋朱孟元踏雪草

跋申少師詞翰

茶錄跋

義田記跋

龍井記跋

疏

歛賑孟直夫疏

修梅花道人墓疏

建陸宗伯祠堂疏

代顧光祿立義田疏

卷之十二

尺牘

荅顧玄岳

與馮文所

與諸景陽

與項東鰲邑侯

李郡侯解郡復泊舟遊武林遙寄

上項華亭給事

與方衆甫

寄董玄宰

荅顧涇陽



答項明府

答范長康

答應天沈學博

送燕二府命事

寄王問伯派身自供燕左林

送王相公出外

答南文選許公

與萬二愚代

答陳穉登子

答朱虞封少卿

答劉志遠

與項都諫

答范光父

答吳子野

答錢懋谷

送蕭兵憲

答茅二岑

答溧陽令徐公

與沈淮槎

復俞瞻白

上郡司理毛公

復郡司理毛公

與馮文所

上朱侍御

上朱諭德文寧

與許郡侯

與顧山谷

答趙無聲

與陳戶部

與董玄宰

答項楚東

與申玄渚

上方二府

與包儀甫

與韓邑侯

寄李九疑



啟

送虞吏部啟

送饒學院啟

送范憲使啟

送石郡伯啟

送王太府啟

送陳相公啟

送李撫臺啟

上王相公啟

答耿邑侯啟

送沈蛟門啟

答周撫臺啟

辭越中古侗周先生

名羔

辭周先生乃郎聘幣

與唐抑所

上王相公

再上王弇州先生

上王鳳洲

代作

與王問伯

與郁季雅

與郁季雅

上王相公書代

東潘星海

東包彥平

報友人

復包襲明

東米子華

上王相公

與徐長孺

荅恩公

卷之十三

傳

范牧之小傳

崑淑孺人李母傳代徐長孺

李公子傳

陸文定公傳



玉峯道人傳

劉母錢淑人傳

貞懿吳母傳

卷之十四

贊

四先生贊 有序

越范少伯

周曾仲連

韓張子房

唐李長源

彌勒佛像贊

接引導師贊

釋迦牟尼佛贊

長耳定光佛贊

觀音贊

觀音贊

觀音贊

觀音贊

達摩贊

達摩贊

達摩贊

文昌贊

雲長贊

喬方伯像贊

觀察張受所像贊

十峯殷先生贊

范象先贊

陳少隱贊

無瑕僧像贊

周草窓像贊

又草窓像贊

周

幼科俞見垣像贊

東坡笠屐圖贊

東坡先生居儋耳曾于雨中着  
蓑笠過黎秀才因流傳此圖比

時遊戲中極有感慨予  
拈出作偈稽首而贊

周叔夜先生像贊

印空像贊



周梅顛贊

張雨懷像贊

銘

木香爐銘

筆筒銘

又筒銘

筆

墨銘

龍尾硯銘

圖書匣銘

琴匣銘

飲食起居銘

斷妄想銘

贈吳伯玉銘

雜著

卷讀書十六觀

書畫金湯

一善趣

一惡魔

一莊嚴

一落劫

語錄金馬

卷之十五六

誌銘

陳空青先生墓誌銘

光州判守栢山董公墓誌銘代

鄉進士張九夏暨配顧孺人墓誌銘代

馮母馬太安人墓誌銘代

江州吳公暨配夏孺人墓誌銘代

孝廉霽宇吳公暨配凌孺人墓誌銘代王相國

太學心宇楊公墓誌銘

太學何侯菴配馬孺人墓誌銘

貴州按察司副使提督學校瑞溪包公暨配誥

封安人曹氏墓誌銘

鴻臚寺序班海亭包公暨配陸孺人合葬墓誌

銘代

墓表



包學憲墓表

贈戶部郎南野顧公暨配錢安人合葬墓表

誥封一品王夫人墓表

吳孺人墓表

卷之十六

誄

范牧之誄 有敘

陸百之誄

行狀

尚寶司丞龍海顧先生行狀

書陳穉登交情始末

祭文

祭徐澤夫文

祭吳母文

祭張母文

祭王和石文

祭高旭崖文 代

祭徐相公文

祭王元美先生文

祭包心韋文

祭朱孺人文

祭朱月溪代

祭王弘宇文

卷之十七

祭王亭伯文

祭何太老師文

祭震野楊公文代

祭徐孟孺文代

祭徐孟孺文代

祭王和石文代

祭徐金吾公子

祭沈石樓代撫臺

祭唐抑所

祭楊石閭

祭袁微之

遙祭李知府



祭歸季思

祭王逸季

祭陸君羽

祭學憲包瑞溪

祭張完栢

祭相國王荆石

祭朱養淳太史太孺人文代

祭徐長孺母王孺人文

祭黃母大恭人文代

祭郁太夫人

祭王澹生母魏夫人

祭樵李丁烈婦文

祭陸官保文

祭馮烈婦文

祭餓死張烈婦文

再祭張烈婦文

祭王太夫人文時同故人徐孟孺子

陳眉公集目錄終

陳眉公集卷之一

雲間陳繼儒仲醇著

賦 四言古詩

快賦

并序

余夙世坎壈離憂日薄吟平子之四愁諷思王之  
七哀愴然悲心益增牢落乃作快賦以自暢焉  
吾生有涯日月寢馳之子不淑衷如結韜百憂并集  
鼠思莫揆搞形焦心鄰于鬼魑曷不排愁蠲恣擯苦  
杜悲違芳辰以嗟咲撫昔事而解頤於是僕本快士



听然愉怡叙述往初用攄厥辭在昔帝遊西山爰奏  
清角六蛟駮車畢方覲幄風雨載駟鸞鷲咿喔宮商  
過雲邈矣大樂楚武雲臺寔從安陵結駟星繞旌旗  
雲蒸輜車彌谷虎嗥犬騰下徃狂兕上弋搏鵬野火  
燭天射夫畢能王乃大咲其樂何勝平王蒙讒奢尚  
亾幸伍君吹簫感感靡騁慷慨投吳猷臧氣猛駟師  
如風朝食破郢奮烈士之肝腸踐讐君之頭領范叔  
游說橫罹煩寃折脇摺齒莫排天閹亾命間關一朝  
執尊庭折須賈蛇伏鴟蹲檄困魏齊鳥舉獸屯漢高

成王戚姬被眷翹袖折腰翠鈿髀面吹出塞其旁皇  
唱望歸而綵繾習六宮之妙音于九霄之璀璨又如  
時當七夕商飈徐披瞻朱斗之挿漢然龍膏之九枝  
迎青雀以唐突駕阿母以來思御承華兮窈窕服晨  
纓芳葳蕤攬袂賡歌綢繆委遲人間娛樂何以方斯  
季子拜相歸自洛陽高懸供帳車塵沸張位尊金多  
足高志揚又若腐皮魁竒肆探禹穴騶衍談天雕龍  
辨舌韓嫣挾彈金丸如雪長安小兒蟻隨車轍夜深  
斫吏劔花濺血月落霜寒歸馬蹠蹠若夫簾捲明霞



樓夾蟠踈春草旣碧秋蘭鬱菴左擁綠珠右挾翽風  
艷繞楹以歌舞援玉佩之滢滢步香塵兮婀娜耀珍  
珠兮瞳矐舒巧咲兮可悅颺芬澤兮房櫳又若光武  
雄心旣定河北饗士懸弧張酒大竹開闔闔施冕服  
臣皇皇君穆穆簫鼓漸闌寶篆方馥歌道風之昌明  
侈日月之回矚平原養士珠履滿堂纍蘭芷於玉案  
鬱琥珀於金觴饁聲若雷燭影挂床進譽盛德公子  
敢忘孫登大隱被髮尚羊登北山日長嘯發天籟之  
清商置宇宙於寥廓縱林壑而倡狂又如北海高賓

竹林羣義傾座上之清尊澆匈中之磊塊謦欬吐珠  
抽毫散曖才截河源氣壓海岱赤壁之戰吳蜀奮策  
金鎧鏡明銀濤屋立風駛火揚萬艘擘阨偃旗什鼓  
濡顙焦額青天黯乎無光鮫人失其故宅自以爲虛  
噬而莫當曾不知其狼籍而無獲用能褫彼醜之強  
梁章我師之有赫它如五陵儂子三河俊兒闔雞逐  
犬吹竹彈絲六博蹋踞麾錢滿遶白恰青衫羅襪翠  
綏飲馬春津樹鳴黃鸝脫貂貫酒坐調胡姬田家作  
苦終歲憂劬載穫載擠彌圃盈途招攜伯旅炮羊烹



雞垂袖楚楚倚楹烏烏轟飲若狂罔知日狙又如兩  
兩三三娉婷少頰駕松舟以出游相與期於河之口  
採青蓮搖碧柳鳧蕩漾而忘歸忽已見明月之在時  
漁父風波醉狎蛟鼉蘆花爲裳沙艸爲簑白日自擲  
朱顏自醜文章憎命聿逢賞音吹匣中之歎鐵出爨  
下之名琴睽彼蛾眉薄處璇宮掩金鏡而嘆息抱珊  
瑚以宵終君王放赦適我狡童仰三星之在天瀉憂  
心之忡忡至於逐臣羈子棲遲海濱三尺空隨千里  
亾鄰方岑寂兮孤憤遇故交兮如新把酒驩兮叙鄉  
曲歌嫺轉兮蜚梁塵或丁喪亂肉骨晉秦平楚搯蕪  
舉目路人宿露草兮含側匿山曲兮逡巡望行塵兮  
乍近適對面兮所親其破涕兮以爲咲因攜手而長  
嘯嗚呼機有必宣氣有必鬯快事萬端快心萬狀吾  
乃信神仙之匪真知謹樂之無量

四言詩

夏日卽事

吾乘小舟避暑避客高柳之下密蘆之側卷簾焚香  
施簟布席間拂壺觴或遊翰墨酒罷科頭山前月白



隱居

十畝之園數椽之屋、旁列圖書、隨意花竹、召客有酒、耕田有犢、晚厭娥眉、餌藥獨宿、

山居二首

其一

高梧修竹、隱者之居、風歔不鳴、夢亦清虛、客至有酒、客去有書、且醉且歌、且樵且漁、

其二

披裘種花、着屐采蔬、南山雪霽、北牖風初、如此不樂、

歲亦云徂

游西湖二首

其一

孤艇一尺、躍於中流、酒在船尾、花在船頭、

其二

旅旅酒亭、落落水亭、紅衣者客、白衣者僧、

題枯木竹石圖

新篁含粉、古木生苔、一讀道書、清風徐來、

題東坡笠屐圖



無雨無風戴笠戴屐此老童心也消不得

題畫

車塵馬足續續紛紛吾獨幽寂青山白雲

題杏花鴛鴦

春水瀰瀰杏花初香拍而來者五色鴛鴦

襍咏七首

其一

春風婆娑楊柳之陰林有黃鳥如歌如吟

其二

十畝之郊菜葉薺花抱甕灌之樂哉農家

其三

春水漸寬青青者芹君且留此彈余素琴

其四

橋板之上宛宛蘼蕪誰將輕舟弄此春波

其五

遠觀諸山春陰欲雨風雨之朝惟予與汝

其六

場頭平平鋤棘及草留此好花以待春鳥

其七

春日欵欵春風洋洋予寧匪人而勿翱翔

秋山行

落落澗壑瑟瑟紫楓野人獨往妻其以風

小崑山聽經山僧索贈三首

贈見無上人

萬法既無從何處見若欲見之石火間斷

贈本空上人

萬法本空汝心自喧喧者若寂火斷無烟

題僧塵

新剪松枝縛作談塵曾悟如來客來無語

聽經罷作

一雙秋雁飛度雲中空不留雁雁不留空

題桃杯二首

其一

東方獻桃玉女承漿酌言嘗之萬壽無疆

其二

瑤池桃實千年一生東方獻之以作壽樽



爲周仲渭題其尊人草庭圖

棘人樂樂兮霜草萋萋殘月印庭兮有鳥啼止

題百子杯

天錫之祥蘭桂承芳飲此醕矣以世其光

陳眉公集卷之二

雲間陳繼儒仲醇著

五言古詩

夢遊仙

我無休糧方但餐北斗漿脩髮披兩肩燁燁生紫光  
稽首拜上帝玉女笑其傍授以三皇書坐以七寶床  
謹侍不敢譁神氣元飛揚拜謝出天門鶴羽刷如霜  
骨冷何可言明星在衣裳

入山招隱



背負五嶽圖持鏡入巖去但聞狐兔鳴陰風戰秋樹  
不知英雄人渺渺在何際我來非採藥要以訪國器  
深山寂無聞豈其避時忌網羅彌空谷慷慨鬼豈句  
且鑿石窟根而以陰符秘落落瀑泉寒樂饑有真味  
春柳鵝兒黃春水鴨頭綠春衫燕子青有美顏如玉  
倚棹杏花梢清歌入脩竹竹裏白茅茨先生巾一幅  
反戶讀道書見者欲退縮至德不可名君平初罷卜

贈陳貞母

鳳皇忽分飛雛毛雲五色辛勤哺其兒孤影當四壁  
朔霰與寒風操杼不停織挑燈掩柴扉嘆息繼以泣  
雙鬢任飛蓬容華豈施澤苦節甘如飴堅心固于石  
願言百歲姿清風挺松柏

和王青浦盤花作

盤花本何常如人在所處春枝故纖纖春意自圍圍  
縮結白露溥天矯朱霞舉錯列羣芳中約束類荊苕  
退就孤石畔簡踞似巢許非屈亦非伸解笑不解語  
彈指一拈花咄哉誰縛汝



朱脩能以梅花時復訪余白石高齋因次前韻  
索和四首

春山春尚寒撥火煨黃獨有客犯嚴霜就我勸耕築  
東嶺移短松西窓補叢竹豁達虛其中前見平疇綠  
柴柵與鹿眠崑壁付僧宿農社無愆期僮約頗如欲  
種秫兼種花采藥先采菊常守庚申神不離子午谷

其二

去年君出山樹與老夫獨獨荷三尺鋤草草自營築  
種梅白如雲高者透庭竹纍纍紅銷旁萬斛吐珠綠

去年君出山樹與老夫獨獨荷三尺鋤草草自營築  
種梅白如雲高者透庭竹纍纍紅銷旁萬斛吐珠綠  
月墜參星橫徘徊未能宿且落還且開留汝花亦欲  
對此不盡觴空期就叢菊相彼鳥嚶嚶聲聲在幽谷

其三

短策多因緣相隨往來獨得子成三人臥起在新築  
桃萼參差紅灼灼亞深竹竹迸石竅虛疏剔破空綠  
險勢如墜崩徠獲不敢宿而我好奇者頗愜平生欲  
坐上北海尊籬下南山菊何必窮仙源况乃尋鬼谷



其四

避名在深林林僻良難獨小結黃茅茨半假赤壤築  
有衲清如泉詩骨瘦于竹矚目霄漢中坐徒松陰綠  
招汝下關齋我留一覺宿伯夷去未遠至人本無欲  
銚鼎屑梅檀齏鹽薦苗菊此味難具陳未矢考槃谷

湖石

我遊太湖山遂載太湖石危檣張飽帆輦致如重譯  
七十二芙蓉片片忽狼籍何意水中雲遠作堂下客  
愧無亭與榭委頓臥空澤何當松竹友錯列衆蒼壁

坎者窪我樽坦者施我席老夢洞庭秋秋陰滿窻碧  
七言古詩

賀袁振南得子

昨夜長庚落如日光芒射地馬驚櫪團團已作五花  
紋翻身便踞獅王窟奮毛張牙氣食虎將種從來自  
能武他年攀矢射天狼桃花酒酌燕山左

秋日有懷山中舊居

秋杉蕭疎倚山屋霜痕半印糜與鹿水寒溪潮凍不  
上瀑泉雲中自連續連續續衝石花半帶殘水下



空谷何時解落瓢共笠抱月其間伴鷗宿  
觀燈歌分韻得花字

明河欲墮天沉冥湘簾月冷竹枝青入門疑坐琉璃  
界滿堂亂插芙蓉屏風流吾愛張大夫夜深不問城  
上烏鷓杓香浮紅琥珀龍膏光映碧模糊使君謫下  
飛天仙手揮如意獨翩翩五色卿雲走筆底百斛驪  
珠瀉錦箋竒文自足掩星辰妙歌何用驚落塵况有  
高堂座上客擊筑吹簫盡酒人人生得酒卽丹砂不  
須石髓與胡麻吾醉欲扶雙屐去方知轉眼是空花

壽東鰲項華亭歌

括蒼之巔多醴泉中有大令稱神仙胷中盤礴千里  
之雲夢舌端紛吐十丈之青蓮震鳧玉鳥飛翩翩昨  
飛巴蜀今雲間雲間竹馬羅郊原拜祝明府前致言  
自言昔日水旱若朱雀縱橫射玄武福星一夜臨東  
吳鴻鴈嗷嗷翔樂土潢池水清劔不腥百里旗亭靜  
鳴鼓千村萬巷社酒香醉來擊壤追羲皇麥雲初秋  
柘枝暖家家誦讀羨農桑太平如海問誰賜有脚陽  
春項候是四月欣逢壽域開琉璃杯泛霞光紫考鼂



鼓炙鳳笙赤松黃石董雙成白雲之曲歌長生河陽  
滿縣花正明清和棠樹啼新鶯君侯樂矣康且寧手  
招黃鶴下華亭銀驄鐵豸聲冷冷星幡寶幢兮負璽  
書而朝 帝京黃金如斗肘後橫御展歲歲題榮名  
朱明初麗歌

括蒼之山南明水峯巒削出芙蓉紫聞有真人棲其  
中上騎黃鵠下朱鯉清風吹送到華亭忽見東方懸  
歲星案前柱笏九三近隔簾峰泖當門青兩年水旱  
太無賴賴有明明項侯在絃頌聲傳里井中農桑綠

遍郊墟外君侯端冕坐琴堂一片冰心秋月光桃李  
紛紛滿潘縣人言疑是錦河陽河陽正屬朱明麗行  
粉生衣蕙吐穗此日壺中景最長鶯雛燕子啼芳樹  
紫芝之曲白雲謠翠管銀漱碧玉簫咲進南山十石  
酒丹願赤輔仙王喬王喬雙鳥生羽翰還看鳧舉飛  
天半金貂鐵豸五色驄千秋長侍明光殿

送項東鰲奉召北行

潘岳宰河陽但栽一縣花葛洪乞勾漏但煉千年砂  
何如侯下車教我以桑麻桑麻雨綠田膾膾犢兒晝



眠雉媒舞簾卷香清淨撫琴鶴鳴吏散松陰午里巷  
疊絃歌江亭偃旗鼓重書不可留揚帆渡前浦楓葉  
點桑林芙蓉映秋塢父老拜雙旌陳辭亦良苦君不  
見西北徵兵似蝟毛東南催賦如猛虎安得三年杜  
母與召父項明府

山居漫興

余以秋季比冬未避喧山中漫賦此歌以卽事并寄懷云

西風捲出山雲寒雲端瀑飛如急湍此時殘楓碎于  
錦但坐溪閣吟且看閣中凍硯墨花冷捲簾密雪盤  
朱闌擁裘撥火酌新酒不堪着爾竹葉冠細焚梅檀  
篆烟白宿灰露火紅若丹長安塵沙撲馬足咲他奔  
走空辛酸不如高枕聽山鳥只愁壺燥詩腸乾

贈人

人間十九倚塵堵五濁紛紛不堪數隙中駒影聞是  
非誰向青霄夢千古羨君策足踏烟雲嶺頭笙鶴遙  
相聞醉鄉遨遊日復日醒來落花滿雙膝世事齷齪  
不足言且須一夜傾千石碧天秋月君爲心洞庭夢  
澤吐且吞浣盡斗餘俗子腸松前箕踞彈瑤琴墨池  
雨晴蕉葉綠咫尺市頭如空谷簷阿棋韻響丁丁散



入東窻一林竹有樂如此亦足矣此心莫向江頭洗  
吾心亦自空無塵同摘芙蓉看秋水

題璩君瑕畫

與可爲竹枝日觀寫蒲菊半與書法通落落風簫簫  
仲玉之書多晉骨雨窻幻出青山色仔細看來不是  
山却是南宮米顛筆

沈園與諸生讀書作

沈郎城邊有荒圃九分池塘一分土年來催盡百花  
枝唯有垂楊秀楚楚吾從春風掃屋坐茗椀薰爐與  
茶磨但將池水作蕪籬橋斷那容俗兒過十二時中  
何所爲洗竹澆花是功課諸生莫向堦前行白鳥驚  
飛碧苔破

送何師南遊

秋來冉冉雲滿谷叢桂繽紛飛萬斛丈夫趣此宜壯  
游人生相聚豈麋鹿道傍半熟棗與梨餉筐雜杳村  
墟提農歌聲入棹歌裏夕陽茅屋拖殘霞山市下車  
初及燭鷄鳴馬槽霜樹綠行行望見城上宮紫翠飛  
來何陸續吊古還登李白臺吾師不減青蓮才題詩



發墨鳳凰石風風雨雨生蒼苔人家丘園籠袖橋杯  
底泉流吟蟋蟀六朝金粉不見人葦草萋萋沒雙膝  
幸有綵筆吐詞源相逢騷客能卮言白門紅板鳥啼  
夕他日歸來知夢騫

彦平社兄以端午歸攜李戲作歌以贈之書于  
文度畫扇之左

彦平峭帆欲歸去文度爲寫米家樹秀水從來無片  
山此山還是九峰處峰頭月出尚可呼君迺笑踏鴛  
鴦湖揭甕新開麥青酒剪刀細劖灘邊蒲蒲花初白

葵花紫掠簷簷點點雙燕子懸門絡索半桃枝入夏風  
光從此始老親醉倚藤下棚君試過訪秋潭僧眉公  
歸後衡門閉棹入湖中樓未曾樓當楊柳秀楚楚堪  
作清風銷夏塢莫老是鄉須早來休畏內家如艾虎  
壽詹郡侯三月誕辰歌行

春風吹動海門潮鮫宮珠媚珊瑚嬌安期手拍綠玉  
板雙來奏出金雲璈翩翩前爲君侯壽擘麟炙鳳東  
方桃君侯軒然進三酌鸕鷀之杯鸚鵡爵堂上垂簾  
草庭青冰絃再訪松筠薄君侯爲政卓無前誰爲勅



海誰頴川雙魚珮響隼旗翻始知陸地多神仙仙期  
况當春季月海棠垂絲柳垂葉燕子倉庚貼地飛滿  
地桃花擁車輒行車隨處問農桑前騎竹馬後壺漿  
願祝君侯百千壽春風歲歲紫霞觴

夜飲蘆花灘歌

蘆花作主吾作客蘆花點頭我拍膝白鷗啣住綠蓑  
衣使我欲行行不得我醉欲倩蘆花扶蘆花太嬾可  
奈何不如呼出青天月大家躍入金葫蘆

楊孝子歌

有叙

肅廟時以諫死者有兩楊先生忠愍公與柳齋公是  
也忠愍之子以遺詔恤錄有聞于時而愍延君先柳  
齋公絕食死故獨里人至今痛悼之而天下士大夫  
猶罕傳其事君子孝忠裕上書于朝將以次表其  
忠孝大節以示天下之爲人臣子者儒野史也于是  
爲短歌志之

男兒何必封公侯但願名節垂千秋鬚眉不挂人間  
羞况肯消歇沉蒿丘立朝啗啞關其口無乃纓冠化  
爲婦黃門簪貂獨鳳鳴白日群羊怖獅吼叩闥竟無



眉公集 卷二  
聞含沙暗相射 天子好長生求芝向山澤巉崖骨  
葛不可梯毒霧霾烟猿夜啼腰鑊負鍊心棲棲有藥  
莫獻空傷悲空傷悲絕粒死忠孝名照青史彼讒者  
誰乃如此七尺之顙豈無泚嗟哉紛紛狐與豕君不  
見楊孝子

梅顛道人歌

白苧鄉桃花里鴛湖如鏡霞如綺道人散髮坐梅墟  
手挾飛仙弄烟水鸚鵡千言擅藝壇魚腸三尺驚都  
市鷓冠鳩杖任逍遙笑指西山白雲起饑來羞貸監

河糧生立懶

平原履墨池筆塚琅玕箋摹得黃庭

實堪擬羽衣衲子扣松扉春色年年只如此吹笙炙  
管亂飛觴天酒霞漿石中髓鳥啼客散茶灶寒月上  
窻紗半成紫有時一夢破羅浮踈影清香飛帳底巧  
綴宮粧覺大妍烹煮丹砂盡今夕何必安期棗韓終  
李

秋日過師古先生草堂漫賦

湖水綠蘆荻黃有客來初斜陽斜陽半漏欲織雨船  
頭載花接船尾竹簾布幔橫短鉤菱葉蓴絲滿筐筥



秋烟斷秋空晴隔灘漁父呼先生蟹肥稻熟村醪清  
三三兩兩隨風行羊裘何必逃其名黃沙撲面長安  
去馬蹄波浪人難住吾曹坐此夢亦安捲棹前門繫  
紅樹

六旬雙壽

為張孝廉尊人作

吾聞親在不稱老君家阿翁髮皓皓短筇挂瓢蕪挂  
錢年少場中去偏早歸家呼婦復呼兒倚壁吹燈理  
詩草轉眼俄稱六十人短褐風霜共綦縞孝廉已成  
天下士門徑蓬蒿尚堪掃今朝生日昨花朝繁李穠

桃坐黃鳥九月清霜秋一籬黃花更比花朝好有花  
有酒春與秋不惜尊前醉傾倒鹿門夫婦老萊妻人  
生何必中書考

青谿王使君貽盤花詩其詞甚悲因廣其而反  
之作盤花歌

使君寄我盤花詩夜靜惟聞花嘆息強項難教易擾  
馴折腰轉從疑迂謫年年舊蕾發新枝每恨生花晚  
生核拘束東皇不自由却使花神困資格解粘釋縛  
是何時且與先生伴花癖招以小山之叢桂嗽以仇



眉公集 卷二  
池之綺石鈴索何煩特護持剪刀休遣輕攀滴紙窓  
茆屋有名姝細雨清風非暴客君不見長安街頭春  
可惜兩肩桃李如薪積徧走王孫及內家論短論長  
無定額賞花人少賣花多擔出都門半狼籍

護松篇爲馬仲良關使君作寔從趙凡夫之請也

長松落落支硎側屈曲磔磔橫復直直幹數圍橫百  
尺十里濃陰半山黑野火不敢燒精魅不敢匿村翁  
不記年依稀傳是支公植支公愛此秀而野松邊調鶴

還調馬皮皴髯禿化獐龍誰知後有屠龍者寒山居  
士住東山無計留松淚盈把發書告急關使君一朝  
脫濤爲君主捐金贖取十八公歲寒孤節仍摩空空  
山爲君下明月海濤爲君生涼風兔絲未斷伏苓老  
願君壽與青松同

題十峰圖

真人棲三山羣帝鎮五岳君居季孟間九峰在掌握  
九峰落落成列星迥含紫翠排空青海色晴驕溷吞  
吐松蘿數里烟冥冥烟消綉出芙蓉鏤半露僧樓與



仙閣處處年年我獨遊、三尺枯藤似飛雀、曾向崑山  
偶築臺、客尋又避于將來、秀林覓得一杯土、杏花繞  
屋堦、生苔、漢陽聞之結幽屋、朱欄高下千竿竹、公觀  
經營白石庄、亦有瑯玕媚幽綠、吾師高敞當鳳凰、修  
梧叢桂生清涼、君策宛轉多曲室、花源回抱如滄浪、  
洗石穿泉剪荆棘、黃金頗費愚公力、何似如君作主  
人、十峰坐領烟霞色、主人胸中數萬兵、東山未肯屬  
先生、不如剪取畫圖裏、峰外白雲長迎。

贈孫雁洲先生

孫山人家負郭、桑枯不養、蚕松短不養、鶴縛茅結屋、  
臨水濱、短洲清淺、蘆花薄、蘆花欲白、雁欲歸、磯頭涼  
露侵、蓑衣水陰淡、薄寂無影、鼓聲長、帶秋雲、飛飛去  
飛來、聲不絕、月色紛紛、冷如雪、夜深何似、更悲鳴、愛  
與山人、盼高縈、山人聞此、亦欣然、竹枝高懸、一百錢  
酒後、逢人下、驟去、吾與沙洲、白雁眠。

送孫世聲遊白門

秋江之水如苔綠、白葦黃蘆橋數曲、棹頭蹲坐長須  
奴、驚起鴛鴦與屬玉、峭帆擊鼓浪拍空、鼓聲蓬聲俱



有公集 卷二 十四  
飽風有客大醉嘯歌去只在金焦烟樹中。樹中烟銷  
露山色紫翠空青馬頭織白門霜落烏亂啼朱樓月  
冷知相憶相憶故人金屈卮琵琶嗚咽宜不宜梧桐  
颯杳井欄靜板門嘶斷王孫羈登高弔古方及暮吹  
簫更上桃葉渡六朝金粉秋夢殘寒鳥聲聲問前路  
孫郎鵲冠復鹿裘傲骨那肯干諸侯惟將三寸禿班  
管却以風流王謝收年來余絕遠遊興雙屐付君君  
濟勝他時同到三山顛五岳圖文照魔鏡

梅顛道人歌

白苧鄉桃花里鴛湖如鏡霞如綺道人散髮坐梅墟  
手挾飛仙弄烟水鸚鵡千言拉紈垓魚腸三尺驚都  
市鷓冠鳩杖任逍遙關指西山白雲起饑來羞貨監  
河根生平懶着平原履墨池宅塚垠圩門摹得黃庭  
平堪擬翠衲少叩松房春色年年只如此吹笙炙管  
亂飛觴天酒霞漿石中髓鳥啼客散茶竈寒月上窓  
紗半成紫有時時夢破羅浮踈影清香飛帳底巧綴  
宮妝覺太妍烹煮丹沙盡令罪何必要期棗韓終李



陳眉公集卷之三

雲間陳繼儒仲醇著

五言律 七言律

題淵明蓮社圖

吾聞謝在山出入每扶掖三人挈衣裾四人提座席  
 乘 盧阜前遠公顧不憚何如藍輿翁肩頂風蕭蕭  
 余山即事二首

種花先種藥買山先買泉泉流茶竈下藥繞竹溪間  
 高齋列圖史賓主各類然相看不忍別松月共床眠



其二

幽花開徑後卷石化名山岩戶轉如畫雲谿不  
灣  
簾疎花窈窕松冷鶴高閒祗是詩僧至先生一啓關

園居四首

其一

一自謝塵鞅春風殊好顏焚香觀夜氣隱几夢青山  
曙鳥已喧樹門生爲啓關日高桑蔭下耕者正閒閒

其二

花木滿城闕先生一室寬春衣風力弱香草雪痕乾

中山多唐突投竿獲喜歡何如行役者僕僕望長安

其三

買得城隅圃新題寄寄園水扉青槿抱板屋白茆存  
經受蠻僧譯風傳野老言何時解瓢笠借此負朝暄

其四

方朔餓欲歿淵明飢所驅慙余飽藜藿高枕臥菰蘆  
春雨生蝌蚪池花礙燕雛晚來風日好信杖立斯須

寄王辰玉

明月在高樹遶庭歌考槃谷風自容與古調太清寒



念子令人遠勞心及夜闌平生不識路何以夢長安  
遊小昆山

支公不可見空有支硎名佛壁生陰火僧厨臥酒罌  
夕陽猶在屋怪木半成癭唯有山前地年年好種耕  
薛伯起來自四明同郁太碧何士勝集林元裕

山中

勝客垂軒至空庭鶴款扉城烏寒自語霜葉凍還飛  
醉擊芙蓉劍寒生薜荔衣聚星占太史莫問故鄉非  
送陸君策計偕

陸賈裝如水蕭蕭但莫邪將車涉遠道策馬任寒沙  
北地雖雨雪東風多杏花况聞關塞上青草不鳴笳  
送郁太碧歸樵李

紫玉龍髯塵青蘿雀髦衣登船揮手去對月釣魚歸  
烟雨樓中酒鴛鴦湖上磔朝朝讀秋水夢挾浪花飛  
寶劍

黃金裝寶玦白玉琢文螭結托豈無客飛鳴定有時  
靈光離匣走生氣作龍悲貧若思酬價乾坤正可疑  
秋日山遊夜宿僧房作



土室秋如許繩床夢亦輕竹深多刻句花亂不知名  
一鉢青菰飯半窗黃葉聲鍾殘午齋後馴雀逸人行  
送友之京

一卷天人策秋風獨遠征黃河霜後月紅對驛邊城  
馬足春水薄雞鳴關吏迎前途更風利向晚莫貪程

山中作

話隱愜中年山廬枕墓田心空鄙章句骨傲薄神仙  
花露一震鶴松風十五絃名僧南岳至永夜獨安禪

答天台僧寄惠藤杖

僧寄天台杖支予獨上臺借它時點綴不是老相催  
打果驚黃鳥疏泉破碧苔秋聲滿松壑并與夕陽來

送郁太碧歸就李

埜火照積雪枯冰粘渡船此時游子夢但與暮雲連  
沙白鴛鴦凍霜晴湖水鮮歸來解裝橐棠棣有新篇

雨夜召客

殷殷南山雷閭閻北風雨歸鳥飛且停行舟去還止  
我開床頭爰去約山中侶莫憚石苔滑黃昏幸相許  
贈秋潭僧



人與寒雲淡身如秋葉輕非關任禪寂兼欲遣詩名  
蘿月辭潭影松風遍茗聲爲憐苔蘚碧不敢下堦行  
初夏同唐元徵楊彥履范爾孚董玄宰看花集  
酌顧中翰東園分韻得花字

啣杯當淑景移席就名花漾白看飛雪搖紅散落霞  
醉鄉喜無稅酒畔卽爲家不覺青山暮歸鳥不淺沙

送太府李思解郡

借寇不可得御李今何之紛紛父老淚零落柳花時  
直道三遭黜清風百世師心縈離別外立馬故遲遲

壽何五泉六十

蕙帶芟荷裳朱顏鬢未霜門僻長者轍酒共少年場  
有子皆鸞鷖隨兄尚雁行百年行樂健秋月藥攔香  
贈張慎伯

五岳歸來後一燈趺坐時長留翻貝月重補看花詩  
積蘚生癭鉢殘蕉覆墨池夕陽藤底望白髮歲寒姿  
宮人鬪草

宮封綰游絲池風約鬢枝笑迎知種別徑轉誤人疑  
翻袖各含態遺芳如有思還餘斷腸恨消向鬪碁時



感賦孫丑聲

我不柰何我卿應自愛卿老餘肝胆在閒覺世途輕  
獨坐修花史訛言付墨兵近來胡蝶懶未肯化莊生  
七言律

送項東鼈入覲

昔年鳧鳥影翩翩仙令華亭度紫烟縣底依然菟李  
色囊中幾賦筆花篇朝天重拍一雙雀指日還調  
十五絃共說張華今入洛劍光高逼斗牛邊

壽吳醫士父

君自延陵季子儔黃花酒熟正當秋閒來共客扶鳩  
杖醉後憑人整鹿裘茶碾就烹蕉葉下藥瓢斜挂杏  
枝頭仙郎更有長生訣海屋新添七十籌

答遠

經旬隱几廢簪冠不住深山得考槃酒德未能通草  
聖兵符或恐在蒲團吾從屠釣才應老手卷風雷夢  
亦寒却笑故人窺此意題書千里勸加餐

汎泖登塔四首

其一



明河秋水浸長天倒影奔流瀉百川地脉空虛浮色  
界波光搖蕩入村田江清霜氣酣紅葉月暈寒濤白  
吐烟醉後乘潮弄歌去浪花不動老龍眠

其二

湖上舟扁酒一瓢蘆花影裡衣雲遙風吹大澤生陰  
火天入平沙斷野橋神女弄珠乘夜月支公飲酒浴  
春潮茫茫烟雨無尋處鷗鳥飛來欲聽簫

其三

寺門楊柳聚栖鴉塔上寒燈落葦花水月平臨空作  
觀烟波縈遠樹爲家鐘殘鳥食施荒草日午龍髯曝  
暖沙一片石臺秋色裏老僧時出浣袈裟

其四

四面空波捲大荒中州有寺繞重楊水扉風送青蕪  
色石塔烟籠白寶光虹氣吸雲疑海市神登騎浪渡  
魚梁臨流無限懷人意愁殺蒹葭一夜霜

三柳重陰贈賀項華亭課最北上

月明花影滿河陽奏最曾聞達建章十道徵書隨鳳  
下五雲飛易化鳧翔珠簾不捲絲桐靜寶篋猶藏諫



草香遙想縣門垂柳色它年應擬似甘棠

送方衆甫北上

司馬乘春向北平陰符在匣寶刀橫莫因雨雪愁行  
路聞說關門欲解兵芳草未銷殘燒跡黃河直壓飽  
帆聲到時知尔烽烟淨好爲題書慰耦耕

詠白燕二首

其一

游絲淡蕩若爲容此日翻憐粉黛工傳信不隨青鳥  
去忘機時狎白鷗中踏殘玉樹晴還雪飛傍珠簾色

是空別院春光更無限梨花夜月柳花風

其二

紛紛白水滿春塘淡雨微烟更渺茫新壘莢花紅粉  
薄隔樓芳草雪衣涼舞翻掌上明珠色零落釵頭片  
玉香正是懷人太無賴忽驚殘月照空梁

偕佛占嘯民下山同汎嘯民舍嘯

下山迴棹晚春和扇底魚吹剗底波欹枕臥看山氣  
好焚香靜覺鳥聲多青天渺渺仙人嘯白石粼粼漁  
者歌歸去只愁車馬路板扉何日長深蘿



送王辰玉

岐路徘徊泪欲潜  
臨行折贈菊班班  
秋聲霜煖未聞  
雁日落草枯  
惟見山幾向斷橋  
鞭款段何時修竹坐  
潺湲欲知別後愁  
如許滿篋新詩爲尔刪

賀詹郡侯考滿并壽

百里陽和大海東  
循良今喜得文翁  
治先禮樂吳禰  
最色有絃歌識  
魯中春風馬帶  
莢花色寶篆香  
隨柳絮風御屏已  
自親題姓千載  
還知勒鼎鐘

賦得宮人鬪草

內家結隊鬪春光  
雜坐花茵笑語忙  
歷盡夜來金輦  
路不禁扇底画  
衣香羞拈游女  
尋常種試問宜  
男若個藏  
莫戀幽叢候  
新月後宮卷耳  
未盈筐

山中作同沈孺休孫世聲

籃輿倦游便貪眠  
彘鼎圖書自在緣  
洗耳尚逢高士  
笑折腰肯受小兒  
憐白駒谷口花  
迷路黃犢廬邊  
稻滿田雪色後  
槽新壓酒客來  
不費杖頭錢

壽朱近溪

幾年踪跡歎飛鴻  
歸隱携家泗水東  
回憶兒童騎竹



眉公集  
日漸隨長者看花筇心閒未許摧頭白客少非闕借  
酒紅四壁雖貧書萬卷衡門紫氣已成虹

樵李丁烈婦伏劒殉夫士大夫卜壤塋之送者  
萬餘人拜墓之後感而賦此摠六首

其一

欲罷招魂調轉哀傷心今古自徘徊等閒白骨成秋  
草爾獨黃金築夜臺照鏡孤鸞隨影盡讀碑下馬幾  
人來雙旌莫遣經羞墓怨霧愁雲黯不開

其二

孤墳半畝枕蒿萊一點冰心若個猜老樹叢祠狐鼠  
泣百花香土鳥啣來永傳幼婦江邊石不作秦王劫  
裏灰寂莫千秋誰弔古短衣白髮掃蒼苔

其三

伏劒從夫亦大奇清風百世汝真師鏡分地下終當  
合兵解人間未可知名士如雲爭上冢使君不日起  
專祠玉鳧金雁豪家墓什盡空山沒字碑

其四

蕭條露屋度年華女史何曾授大家不分紅顏輕白



刃却勝青塚怨黃沙血痕黯淡凝啼竹  
燐火微茫照績麻松柏凌寒高百尺  
嚴霜休打女蘿花

其五

撮土雖新骨尚香竹吟到此盡沾裳  
劒花血濺千年若墓艸陰扃六月霜  
正氣豈能驅魍魎清魂春不化  
鴛鴦道傍古塚壘壘者誰采溪蘋  
荐一觴

其六

少年慷慨激頽波綦縞今朝勝綺羅  
有鳥求凰別求侶生男如虎不如它  
英雄半向烟花死仙骨須知節

義多化雀夜歸華表上令威消息恐蹉跎

新秋六首

其一

夜來秋色到梧桐斤葉分飛禁苑中  
鴻雁一聲長塞北鱸魚七月大江東  
青樓少婦調砧杵白馬胡兒問角弓  
大火西流寒欲近授衣誰復念幽風

其二

一片秋聲入埜塘西風蕭瑟響寒蜚  
馬嘶大漠川沙白鷹下平原艸木黃  
疎菊籬邊如待酒芰荷池上可



爲裳懷人萬里情無限隔岸兼葭夜未霜

其三

悲秋無奈獨高歌歌罷其如秋色何金屋佳人啼素  
扇玉門老將枕瑀戈玄蟬咽露驚飛葉烏鵲披星欲  
渡河聞說洞庭湖水濶朝添新綠漾微波

其四

西望瀟湘秋水長大風初捲白雲揚銀河夜落機中  
錦玉露朝侵陌上桑螢渡空梁栖燕幕魚翻靜渚戲  
蓮房亦知此日行吟者一段愁心挂夕陽

其五

莫雲縹緲大江邊搖落秋風又一年古堞啼烏星欲  
暝荒臺游鹿露初鮮陰陰樹色遲清夢杳杳鍾聲兀  
懶禪多少天涯游子在劒花彫盡苧衣單

其六

門掩秋風正寂寥荒原落日草蕭蕭獼猴趁月窺山  
果鳥雀驚人下黍苗華屋珠簾嬌白苧疎燈角枕怯  
冰綃閒來偶渡前溪口柳葉菱花一尺潮

雪中舞鶴十首



舞鶴曾披鮑照文雪中妍態更紛紛碧空搖曳仙人  
馭縞素騰驤君子軍響作珮環敲夜月影翻簾幙卷  
晴雲寒鷗飢鶻空相妬雲漢孤蹤自不羣

其二

秋暮遙聞警露露悲凌風獨傲歲寒時六花玉剪青田  
翻三樹珠縈碧落姿北海霜鴻猶避弋西雝雲鷺可  
爲儀從今清賞銀屏夜不遣紅兒按柘枝

其三

同雲黯淡景淒淒密霰疎翎高復低粧罷臨風梅墮  
額袖長垂地絮沾泥貞姿不羨彈朱雀清影如調吐  
綬鷄聞說越裳來白雉鳳池春煖好同栖

其四

雪花輝映鶴澄鮮上下參差兩闔妍丘壑自誇孤翮  
健風塵不作折腰憐竹岩墜响頻迴步茶竈飄香欲  
避烟聳翮直憑高處望何人乘月剡溪前

其五

九臯逸格杳難攀更喜冰霜爲洗顏四望流光真淡



宿一回美影亦高閒  
鮫人風動寒珠箔  
羽客春酣倒玉山  
多少雕籠雪衣女  
羈心空托隴雲還

其六

簾籠佳氣曉氤氳  
掠袂低鬟屢顧羣  
碎羽滿空遙莫辨  
清音摩漢始相聞  
纏頭點綴紅番錦  
洒翰淋漓白練裙  
蕙帳依然明月在  
夜寒休怨北山雲

其七

霜紈冰繭疊輕茵  
有鳥來儀小院春  
穿入梅花搏素彩  
撲殘瓊樹落香塵  
御風玉洞肩高頂  
弄月珠簾影

似人太史書年方表瑞  
兩階干羽莫辭頻

其八

飄蕭松竹偃雕闌  
頂颺堯花只未殘  
洗刷但教塵土淨  
翩翩不惜羽毛寒  
冰絃凍拍雙飛雁  
玉鏡春描對照  
鸞緜嶺月明多故侶  
軒雖好莫盤桓

其九

瑞葉玲瓏映綺疏  
蕭蕭仙翮戲庭蛛  
花林索伴騰猿影  
苔砌尋踪印鳥書  
寒色離披珠母障  
春風蕩漾玉人裾  
當年有客呈鸚鵡  
誰信冰山化子虛



其十  
兔園春動物華新  
靈羽聯翩顧影頻  
欲逞華姿全躡  
翅不禁寒艷巧  
迴身電飛俠骨雙  
丸劍風卷蠻腰獨  
步塵殘毳一庭如  
積素莫教齊付掃  
花人

壽汪先生九十

滿肩雪髮老南華  
九十春光日未斜  
鳩舞杖頭啣綠  
玉鶴隨屐齒啄丹  
砂新詩帶月題蕉  
葉清嘯臨風入澗  
花長飲一盃廉吏  
水不須洞口問胡  
麻

壽周崇德

七月十五日

年少初傳卓魯名  
德星遙傍歲星明  
綵毫曾冠三千  
牘綠綺新調十五  
聲花縣雲開鳧鳥  
近萱城雨洗鵲  
橋清天孫謾說支  
機石爭似神君製  
錦成

送蔡禮卿之嶺南

鵬弓虎韞好橫行  
年少江東久著名  
不獨韜鈴無對壘  
從來詩句亦長城  
寶池印月珠胎動  
犀火燒雲海怪清  
試歷荔枝千石酒  
臨流一酌伏波營

春暮作

朝來風雨頗支吾  
花事於今尚有無  
終日捲簾通燕



眉公集  
燕一春高枕唱烏烏村深客饌供櫻笋水落魚竿挂  
荻蘆莫笑迂疎長閉戶誤人頭白是陰符

壽丘伯畏六十

時逢長至

清時乞得五湖身自許烟霞嶺外臣金卻四知無暮  
夜酒逢千日有長春鳴琴堂上絃如綺舞袖尊前錦  
更新玉瑄陽和生氣轉夜來還送石麒麟

壽關使李叔玄母夫人

關門使者最稱賢更喜高堂引大年綉佛齋前持偈  
久麻姑海外有書傳官清乞得五千字道遠難將第

二泉獨寄一廡堪壽母行裝不住水衡錢

贈貫蘇臺

芰荷衣冷葛巾斜人說當時季子家片片青山落君  
手年年白髮買烟霞杖頭錢挂中千酒籬下菊留重  
九花來去扁舟有秋水道遙應不讀南華

壽韓封君七十二首

其一

宮袍遙 酒雙斟書錦堂前樂而深玉軸帝恩頒紫  
誥彩毫文學到雞林齊眉案有長春酒洗耳門無暮



夜金舊說龐公偕老處可與朝野獻謳吟

其二

蕭蕭華髮未盈冠百歲松筠傲歲寒  
晚節到頭成蔗境雄心歛自付蒲團  
青山甘隱封侯骨白日難消不老丹  
有子名高循吏傳恩綸咫尺下長安

軒司馬首唱依韵奉和二首

其一

節旄零落厭時名白髮黃柑酒對傾  
下士不辭虛左席何人堪入汝南評  
啼鳥對老悲風動羅雀門深夜

色清聽罷艱危各惆悵梅花寒笛起高城

其二

英雄垂老未藏名廿載深心向客傾  
樵牧誰收文苑傳聖賢還付舊鄉評  
老梅約束香中韵凍月虛驕格外清  
自倚冰霜語歷盡不愁寒色動江城

贈梅顛道人三首

其一

謫來塵劫度年華仙府詞臣第一家  
五岳峰高睇綠髮六銖衣曉綉丹砂  
新詩帶月題蕉葉清嘯隨風入



澗花骨相從看似山鶴終將野性傲烟霞

其二

黃冠白塵最清閒家在沙青水碧間竹籬門蕉葉參  
差見槿爲牆草閣茅簷酒腸鬆詩債畢彈一曲高山  
調讀一行秋水篇咲呵呵如醉如顛

其三

簑衣竹笠最清閒只在沙清水碧間蓼花深蘆荻兼  
葭淺舞雙橈撥破雲烟山月下溪對邊看一幅天然  
画結一生自在緣笛聲長酒白魚鮮

三卷終

陳眉公集卷之四

雲間陳繼儒仲醇著

五言絕句 六言絕 七言絕 詞

竹

直竹寧爲竿曲竹寧爲杖莫以不韻人題詩粉花上  
遠興

涼雲如水流遠度鶴巢去林葉歷亂飛仙人嘯高樹  
新秋寓山寺作

禪誦晚風前風微透暮蟬起來池上坐洗鉢證青蓮



贈山友

長安諸大人夢逐車馬足誰能坐山亭隔橋望空谷  
題扇頭芭蕉

芭蕉大於扇覆君之古書門外有客來買得新鱸魚  
登烟雨樓值雨

烟雨織湖光半露垂楊樹却笑來游人翻因烟雨去

題畫

我愛虎頭筆能做雲林子十日畫一山五日畫一水  
題季仲舉扇

秋高木葉丹月出水容白吹笛看飛鴻我是烟波客  
山居

我欲鞭白驢往來山木杪頭上有殘雲足下有飛鳥  
詠古

穆天子

白雲滿瑤池爲爾歌且飲三年復來翔何以娛樂朕  
韓重荅紫玉歌

鴛鴦飛差池載鳴還載悲情知有張羅到死不相離  
細腰宮



朝來不飽粟夜來侍君宴妾腰如柳絲東西任風捲  
五大夫松

咸陽一炬火宮殿成荒蕪  
鴻門碎玉斗  
彼山上松猶稱五大夫

咄哉唉孺子乃爲漢所誘  
江皋解佩  
玉玦爾無成玉斗爾何有

相見不相識可望不可呼  
李夫人  
明月照空水猶疑遺珮珠

金屋網流塵靈風吹錦茵  
珊珊環珮聲欲去還逡巡

青塚

一自埋胡土荆榛掩墓門  
至今明月夜青草語黃昏

爨下琴

軫以白玉絃塗以黃金徽  
寧知爨下材清音世所希

白門柳

苑彼白門柳垂條近左肘  
夜月宿宮鴉春風對別酒

鄭櫻桃

婉孌鄭櫻桃無奈此狡童  
挾彈長安街賣珠館陶宮

習家池



渴取明月飡醉取浮雲眠安得習家池忽然化酒泉  
玉鏡臺

遺妾玉鏡臺白色那可比偷視溫家兒兩髻亦如此  
贈金陵汪妓

新燕才命子水桃初着花王昌爲主舍宋玉是東家  
詠花竹十二絕

木筆

春雨綠窓紗辛萸弄影斜曾窺江夢裡彩筆忽生花

山茶

少竹倚朱顏嬌妮山園裏何如玉川翁松風煮秋水

蘭

誰將清淨水浣茲根與塵幽香不出戶本色佳山人

風竹

藤枕浚高眠窓頭忽驚寢不是故人來風弄新篁影

梅花

開時在花始画時在花終名遂乃身退汝乃善居功

蓮花

吾欲採蓮花安坐如車輪吾欲採蓮葉酌酒弄明月



芍藥

上巳臨溱洧春風贈一枝  
枝頭花落後留意結相思  
菊

桃李領春色黃花點秋容  
萬物各有時而况真英雄  
茉莉

美人新浴罷團扇慵無力  
月白香風來倚闌空嘆息  
繡毬

白玉琢花文紛紛復似雲  
休教獅子吼攪亂一團春  
桂

有人夢廣寒叢桂數千樹  
宮門鎖不開留在眉公住  
方竹

外方而內虛得道已無上  
不劬漁郎竿還劬仙人杖  
題淡雲上人碧桃園

寂寂倚春風但伴竹與石  
禪心淨如水洗盡朱顏色  
贈三懷和尚

有一大比丘能持菩薩戒  
長讀南華經青松寒影下  
贈素雲上人

每到山中來山僧溼殘墨  
何時拂衣去長嘯看天色



題竹石茅屋圖

竹色冷于泉，泉聲響于竹。有客對山僧，幽吟白茅屋。  
春日山中人招飲

醉舞春山中，雙袖如飛霞。倦倚白石根，遠見櫻桃花。  
題淡雲上人綠筠圖

手書華嚴經，已得三四卷。鷓鴣啼竹中，說偈自清遠。  
題雲山圖

山高鳥不巢，水清龍不住。至人冥是非，一味糝糊樹。  
耽隱

醉鄉真太上，高枕亦何言。我意誰能解，青松暗暮泉。

秋郊晚酌

漁郎不採魚，維舟在高柳。日暮浦沙明，秋霞落杯酒。  
題竹柳圖懷古

如滌器

竹以招伯夷，柳以招靖節。安得同此人，踏殘滿庭月。  
有婦顏如花，有酒色如銀。擁婦復飲酒，長卿不自貧。  
解語花

喚妾解語花，妾小不解語。所以君王前，常呼爾與汝。



重登烟雨樓作

樹色度平沙雞聲在空水高秋獨上樓風晴亦烟雨

題紅梅

十月衆芳歇寒風更淒咽一點漏春光紛紛落紅雪

題周草窓草窓閒讀画扇

不逐車馬塵幽懷託空谷開窓讀素書雨餘春草綠

題孫侍洲東方朔圖

吾聞上元桃其核及徑尺持贈孫山人同作東方客

戲題范長白夫人團扇

一幅鸞湖絹裁作白團扇非以比妾容聊以障郎面

贈周草窓

老遲因性慢無病爲心寬紅杏難禁雨青松耐歲寒

贈五湖漁父五首

吳興周叔隱

風風雨雨中新得老漁父長嘯不驚鷗花溪蕩雙櫓

其二

月出浦沙明掀篷望高柳癡筆寫青山換得烏程酒

其三

醉披白鷺簑撥入寒山影模糊雲在頭蘋殘笛聲冷



眉公集  
其四

樵青與釣童響人復安在周郎三尺竿補公烟雲債  
其伍

閒來自洗硯愁來長讀書却笑陶柴桑一子荷藍輿

山居二首

我築讀書臺滿種芭蕉樹夜聽風雨聲閒來寫詩句

其二

飛瀑界桃花幽雲幕修竹門外無人來家中有書讀

過習靜山寮遇西域釋

卽翠微深處

不講生公法不譯蠻僧偈枝頭春鳥啼如來親授記

讀書村遇雪

名僧與韻士翕集我山家鳥亦頗不俗雪裏餐梅花

其二

群鳥鬧枝頭不避風雪冷我亦如鳥忙欲立高峯頂

六言絕句

過虎丘

雨過石生五色山餘雲度數層時有炊烟出樹中多  
隱士高僧



寄居山寺

且從山水去來莫問是非今昨。初僧掃地焚香童子  
開籠放鶴

自詠

若非睥睨乾坤定是流連光景半瓢白酒初醒一卷  
黃庭高枕

贈道南上人

達磨踏西而去誰知此道南來了。却本無住着請看  
鹿印空苔

贈雲麓上人

雲去雲來空谷壁苔暗生茅屋日斜一卷法華坐對  
飛泉自讀

九月一日作

籬下黃花堪把城頭風雨初來欲問重陽消息不知  
何處登臺

春日山居睡起卽事

手持斑竹鋤頭睡起刪花理草忽然走入深林鶯散  
一群黃鳥

小崑山聽經畢作

聽罷一叅法語散堂三僧五僧塵尾却歸何處月明  
山頂松棚

贈龍塘上人

每欲一挑山月笑尋大小龍湫何似寒塘半頃寒花  
白鳥清秋

題野僧茅舍

剪得白茅縛屋半界山涯水粉癩向軒前補衲衲破  
自有殘雲

題山中臨水僧舍

石橋忽斷空沙垂楊影帶蒹葭客至一鐺薪火半是  
門前浪花

坐僧舍紫藤花下

曾訪雪公到此藤間一坐殘花花落山僧掃盡客來  
唯有新茶

七言絕句

題觀濠堂三首

楊柳垂枝掃落花花飛起處是誰家曲城新築觀濠



室十里桑麻五色瓜

其二

城頭人向樹頭行半聽歌聲半鳥聲此日觀濠堂上  
客何星不是白長庚

其三

粉榭朱廊遶曲城花枝竹篠水痕平此中幸有吾師  
在日日雙柑醉聽鶯

池上作二首

一溪樹色一簾烟茗椀薰爐秋水篇正合香山居士

句芙蓉開在臥床前

其二

曉起科頭坐竹邊無聊拄頰更高眠何來瑟瑟松風  
度却是花闌沸茗泉

題壽山福海圖二首

酒甕嘈嘈杞菊香解衣松下月清涼年來數畝山田  
熟半作花殘半鶴糧

其二

蕭蕭綠髮映朱顏買鶴修琴不記年門外客來無酒



罷鐵冠長吸杏花泉

贈山中人

松邊老鶴雪爲翎三足磁爐數卷經彈罷桐絲過山  
去風吹芝草滿籃青

題士倩畫

翩翩俠骨校君才才寫殘山未點苔爲我并收圖  
畫裏秋風載酒送花來

送人還山

一片空青迤逦鐘聲出處冷雲封採得黃花送歸

棹臨行又贈白芙蓉

游仙詩

閒將虎子浴前池有女如花坐奕棋贏得一雙紅玉  
板逢人便唱踏歌詞

限韻香字

簷鳥初喧午夢長荷花開盡白蘋香鈎簾撥出爐頭  
火摹得黃庭一兩行

長夏訪鄉居友人

槐棧踈踈急暮蟬看人洗馬月初圓博山沉水香烟



靜楊柳灘邊刺小舡

題趙子尊畫

老後支筇已不勝  
興來猶上最高層  
長松落落微陰裏  
卽少斜陽掃葉僧

壽朱錦林母七十

五色雲綃白髮新  
前身原是魏夫人  
一從鶴別西池後  
猶有青蓮花在中

題壽金少愚

海上仙人髮亂飄  
醉騎玄鶴上青霄  
此來欲渡滄安

壽贈得千年斗大桃

春游過貞女墓有感

濯濯新楊破水痕  
壘壘孤塚瘞貞魂  
烏啼深竹藤花落  
落日輕烟罩墓門

春閒曉起

一簾晴色養花風  
鸚鵡馴人不閉籠  
曉起恰當殘月白  
提壺親自洗梧桐

湘妃竹

已下二十絕詠古

翠筠點點滴珊瑚  
帝子春魂若可呼  
夜半洞庭風雨



過不將清淚滴蒼梧

秦王卷衣

雲錦霞綃五色輝  
卷來香霧襲人衣  
龍陽只解新承寵  
夜月流黃不下機

吳王試劔石

空山片石護蒼苔  
醉倚秋風一劔開  
荆棘蕭蕭零露白  
夜深麋鹿下荒臺

高帝斬蛇劔

玉氣千年屬至尊  
劔梢星古赤花昏  
陰陰大澤黃雲

起空望咸陽哭帝閭

賈佩蘭出爲段儒妻

天上人間不可期  
扶風月色淡娥眉  
御溝一片楊花水  
曾入深宮百子池

探丸

夜行曾不問金吾  
走馬探丸意氣粗  
斫吏歸來明月落  
劔花寒濺血模糊

藏鈎

隔牆垂柳似章臺  
花濕胭脂帶雨開  
若個巧藏鈎在



手盈盈含笑誤人猜

蹴鞠

繡陌花明草色繁  
絳毬飛處萬人看  
不禁香汗羅衣濕  
其柰輕腰錦帶寬

鞦韆

粉堞朱欄挂綠楊  
春風飄蕩絲絲長  
只緣睡起嬌無力  
落地花泥滿繡裳

春日獨當壚

石榴裙帶漾春風  
酒幕高張綠樹中  
脫下金貂須醉

飲阿郎騎馬獵新豐

七寶避風臺

太液春風絕可憐  
朝來吹綠一池烟  
雲輶錦障當空起  
千尺金臺九品蓮

薛夜來

紅粉三千獨擅名  
暗縫龍袞自分明  
六宮減却驪珠價  
神女新來不夜城

清夜游西園

蘭葉踈踈白露溥  
珠簾銀燭夜光寒  
西園公子風流

甚千古才名屬建安

愛妾換馬

紅顏黯淡被新裳紫燕翻飛服上襄  
搃愛桃花文五色寧憐柳葉淚千行

采蓮曲

雙雙齊唱采蓮歌十里荷花暗綠蘿  
不怕溪頭秋水濶由來少小慣風波

若耶溪

苧蘿山下住西施昔在吳宮今在誰  
流水無聲村徑

隔小桃新柳坐黃鸝

北風吹裙帶

一鈎斜影上茶縻羅帶飄風不自持  
背却小姑私拜月水晶簾外又來窺

宮蚕

女桑新綠映宮槐三月春風戴勝來  
織就鴛鴦錦千疋金刀先取合歡裁

燕姬墜馬

十五妖姬髻似鴉金鈿顰面玉釵斜  
驂騮忽墜珊瑚



履公集  
鐙燕子低風掠杏花

春閨怨

寶鏡春風嬾畫眉  
紗窓明月闌彈碁  
閒來偶向池邊去  
楊柳青青又幾枝

小崑山贈雪浪禪師

曲水迴舟渡九峯  
座來窓外落疎松  
何緣二陸干將地  
無限藤花蔓草封

贈山僧

薙草澆花老比丘  
焚香時坐最高樓  
年來蹤跡厭城

市不向隣家借釣舟

同郁季雅過庵山慧川上人

窓中榆柳映繩床  
野色蕭疎納晚涼  
却笑城邊僧寺裏  
叩門遊客送迎忙

題閨一上人壁同孫世聲朱孟博

樹色周遮護水西  
竹扉花落小橋低  
庭中不獨馴飛鳥  
鷄爲聽經不敢啼

初夏欲往小崑山爲包彥平題扇頭紀事

當年曾築乞花塲  
花事闌珊二陸堂  
今日棹歌山畔



去新蘆高柳半斜陽

米子華金華居士也彥平來雲間諸社友皆集  
鴛鴦湖頭送之渭城之句子華獨闕留以待  
之余爲拈此米南宮癡絕東坡謂吾從衆余  
亦類是耶

湖頭舞棹入蒹葭空望鴛鴦拍浪花臨別不曾留半  
偈數行空待木金華

梵園

梓樹新移綠蔭門此中獨坐了無言藤花堆裏鍾聲

出却合山僧號梵園

春日題野寺

城隅澗水帶斜暉如雪楊花點客衣犬吠隔村烟暖  
暖僧樓孤榻樹霏微

得純陽焚香掃石之句偶作一絕

掃石焚香過此生隱居亦自有勳名猶嫌剝啄驚門  
雀何日峯頭坐月明

新秋雨中贈士倩女俠画扇頭

翩翩俠骨校書才才寫殘山未點苔獨坐小窓停筆



眉公集  
想畫中添却載花來

同南華載菊候士倩代題

斷橋茅屋點秋沙  
楓葉林端是妾家  
曾記重陽新雨後  
扁舟有客送黃花

題泖塔

泖上空波壘亂沙  
寺門橋斷半蒹葭  
何從一借風帆力  
醉挾飛鷗拍浪花

山中寺

一天秋色淡松花  
獨鶴歸來帶落霞  
石洞草深僧入

定白雲飛出護袈裟

題畫

秋氣叢叢撲暗沙  
紅樓燭冷聽琵琶  
曉來憑几看秋色  
隔浦芙蓉未着花

題瞻親圖似徐孝廉

當年堂上舞衣鮮  
此日瞻雲思惘然  
底是蛛絲網書篋  
涕餘愁見蓼莪篇

春郊卽事二首

十里松陰水上流  
晴沙細草臥江鷗  
過橋欲看春山



色一片寒雲落杖頭

其二

桃花春水鯪魚香  
帆影飛來挂綠楊  
一帶平沙似圖  
畫醉聽鳥濯滄浪

題壽安寺壁

灌木陰陰殿角斜  
寺門一帶好人家  
春潮退後溪流  
急破網無魚掛落花

題漁圖

莘叟坐釣秋江滿  
沽酒容易求魚難  
世間好物不在

速三尺鱸魚晚上竿

秋隱

芙蓉如樹不開門  
水氣冷冷花氣渾  
長日山扉無一事  
蕉陰滿地鬪鷓鴣

送友人游南都

長干明月酒如泉  
叢桂紛紛撲画船  
匹馬踏開紅板  
月絲毫題帶白門烟

過孫世聲園居

日郭行遊日未斜  
尋常筍蕨稱山家  
枯藤半挂疎籬



眉公集  
卷四  
三  
畔一道香風鷺粟花

窟拂不拘韻

老梅一枝着地窟佳人走過紅裙拂忽然一陣香風  
來正欲聞之却又不可聞

感世人  
南唐

兩丸日月催名利一片乾坤夾是非試聽中峯道人  
偈不如箬笠上漁磯

送黃孟威之金陵

孟威唐元微甥也

紅板月明桃葉冷白門霜薄柳枝黃從來甥也多如

舅此去何人敢雁行

送郁太碧歸就李

楓葉紅時滿屐霜歸家新秫酒花香何時撥却蘆花  
棹烟雨樓前話夕陽

初夏卽事

梅雨晴時處處蛙尋常家釀不須賒老親醉後盤食  
散瓶裡初開夜合花

七夕晒書有感

竹館香清鳥下初辛勤頭白老潛夫兒曹空恨咸陽



火焚後殘書讀盡無

同玄宰山中看梅

酒瓢隨意坐山家醉後重扶上小車不是向人驕健  
骨春遊誰忍負梅花

聽泉

五色離離石子班誰開新雷試春泉泉聲如此聽不  
盡多買桃花種兩邊

送僧

臥游同汝到天台瀑布懸崖百道來夢裏泉聲還撼

夢不如真個到天台

春仲作

杏花如雪雨星星病骨支離一草亭三月芒鞋猶挂  
壁簷前山爲阿誰青

題鐵婆

吳中妓也

一種風流若個猜綺心俠骨最憐才依稀記得曾相  
見乍向嵇康鍛處來

鐵婆獨宿

清霜片片勸儂歸香氣籠衫酒力微賺入梅花魂夢



裏禁寒蝴蝶獨驚飛

題趙校書雲山

校書妓也

儂家住在百花灣  
理瑟焚香靜掩關  
好倩春風剪雲去  
開門先見望夫山

題無塵禪師立關九載

達磨九年唯面壁  
無塵九年日夜立  
請師試叩枯骨頭  
可曾探得真消息

送吳君得南試

龍文五色齒新齊  
何處行空汗血蹄  
八月松風少年

酒滿堤叢桂  
秣陵西

秋夜聽張女士鼓琴

高館踈燈露氣清  
黃花人瘦獨含情  
長卿不避臨邛令  
挑出簾前綠綺聲

贈項將軍徵父

駿馬名姬結隊遊  
杏花如雪滿紅樓  
千金買得秦時劍  
但斬奸雄不執仇

泛舟

池上新開白杏花  
半藏燕子半藏鴉  
舡頭載酒頻呼



友夜抱蕉桐入酒家

贈殷東臯隱士

櫻桃花開春可憐何處遊人不放船却羨白頭殷處士  
鷓鴣聲外獨耕田

贈殷志伊

一領青簑五尺鋤日斜樹葉護茆廬歸來濯足城邊  
石曲泉牀頭讀晉書

山居

四面群峯集草堂尚餘竹木繞迴廊莫言處士無功

業種得秋花滿地香

看梅作

種梅已過三百樹月下紛紛落香雪英雄忍作負心  
人料應難負梅花月

澄鑒寺詠十二絕

九月過泖橋僧舍移竹裏梅花種之小閣前

竹壓梅花鶴不來呼童鋤出傍僧臺花神若解移花  
意好向小春先借開

竹留梅花



莫教荷鍾入林來留取踈花香滿臺別後情知無百  
步迢迢如隔隴頭開

梅花答竹

歸去衆香國裏來瀟湘化作望鄉臺若逢驛使書堪  
寄報得平安信早開

梅花別竹

儂出筠管谷裏來獨憐君立妙高臺到門看竹知誰  
意不是子猷休浪開

竹送梅花

清風送汝出林來獨領羣芳最上臺汝有素心儂有  
節晚香珍重歲寒開

竹怨梅花

香風冷淡月空來清影蕭蕭獨倚臺剪取竹枝裁作  
笛落梅吹散也難開

梅花荅竹

分携何處夢重來回首清陰尚滿臺有日彈琴修竹  
裏爲君絃上落還開

竹嘲梅花



眉公集  
相依相傍此君來綠萼仙人綠玉臺素質紅顏挽非  
昨巡簷却索老僧開

梅花嘲竹

誰向此君醫俗來共誰嘯咏共登臺渭川千畝侯千  
尺醉日知花開不開

僧爲梅解

一枝春信出墻來留伴山僧舊講臺梅有暗香吹不  
斷何曾與竹兩分開

眉公爲竹解

笑將梅竹小參來非色非空共一臺竹影不辭牕月  
冷光生帳底有花開

眉公又爲梅竹解

梅花道人一笑來爲爾寫竹清涼臺更添長松十萬  
樹雪裏月明相對開

春日雨霽同修能泛舟作

柳葉沉沉蘆笋肥碧湖青艸鷺鷥飛桃花一樹魚三  
尺不醉月明船不歸

試峴茶作



明月峴茶真快哉蕙蘭叢裏帶雲開一甌花乳非空  
易常伴深山虎穴來

題蘭竹

世人寫竹如寫帚蘭竹紛紛又如韭吾寫幽蘭別有  
神莫教誤入樵兒手

送孫世聲再遊虞山

歸來籬下菊花香摘得黃柑又帶霜夢到虞山秋未  
老又籠雙鶴渡斜陽

春天雨後

溪山雨後綠初齊移個扁舟西更西茶塢竹扉人不  
見深松細影叫黃鸝

夜游烟雨樓二首

散盡游人夜欲闌但聞烟外落鍾殘芙蓉半醉秋風  
裏鶴在雲中月在灘

其二

籠香挾茗弄孤舟不學人間恣浪游寂寂僧堂關夜  
月一聲鐵笛水雲秋

游烟雨樓



秋老蘋花帖岸開，雪鷗一點夜飛來。相逢但說游烟  
雨，月白何人獨上臺。

詞

漁家傲

游吳延陵別業作

虎丘南去谿流曲，墻頭露出黃茅屋。打掃新場堆舊  
穀，鷄犬熟估船慣伴。漁舡宿轉個小廊松簇簇。小橋  
淺瀨拈修竹。好水好山絀一幅。看不足。雪花酒嬾梅  
花綠。

青玉案

荅純父司馬

五湖傲吏山中相，又道是羲皇上。歸後人間多孟浪。  
金懸如斗，玉卮無當，老眼何時放。誅奸短劔平戎  
帳。顧盼生風氣，悲壯夢裏回頭真幻。妄鷓鴣蠻曲枕  
椰村釀，畫取投荒像。

點絳脣

春日同友人載妓游泖

泖口虛無小船點點如飛燕，遠山難辨。又隔垂楊線。  
浪拍空花欲釣，心情倦。佳人倩花枝飄霰。未許僧雛  
見。

點絳脣

送包彥平歸鴛湖



凍浦烟沉荻蘆瑟瑟花如絮雁兒成字霜白人歸去  
歲逼青陽無計留儂佳儂未知黯然別意殘燒斜陽  
樹

點絳脣

題天池

鍾鼓沉沉寺門落葉歸僧獨晚鴉初宿影亂墻頭竹  
長嘯峯前清籟飛空谷松如沐炊烟斷續杯底秋山  
綠

點絳脣

題孫世聲金石齋

水上人家子雲草閣相如壁室虛生白雲氣封金石

經案茶床一縷香烟織風無力床頭樹色遶斷遊人  
屐

避暑作

有箇人家半藏山翠楓丹裏獨坐屏風消受香煙縷  
檢點生平默默常無語何妨避暑但思量泰山松岷  
眉雪渭川萬竹瀟湘雨是誰共與嵇阮真爾汝

臨江仙

讀書臺卽事

婉孌北山松樹下石根結箇岩阿巧藏精舍恰無多  
尚餘簷隙地種竹與栽梧高臥不須愁客至客來



野笋山蔬一瓢濁酒儘能沽。倦時呼鶴舞，醉後倩僧扶。

清平樂

村居卽事

東墟烟綠，葺得黃茅屋。短短竹扉楊柳禿。時有鳧鷖來浴。從來拋俗，況有兒能夜讀。夢後一編閒一局。空笑世人碌碌。

一痕沙

舟中挾玉六妓

記得去年穀雨，柳醮鵝黃。春水水上奏琵琶。一痕沙曲罷，留儂歸去。家在竹西溪。住古樹，挂藤花。吃新茶。

粉蝶兒

詠清明北調九首

天付吾曹，浪神仙。短歌長嘯，醉模糊，批判花朝。任他風，任他雨，將花囉哩。這春光似酒難消。肯付與落紅時，一群啼鳥。

醉春風

紫燕貼風飛，黃鸝試雛巧。粉墻門外賣花人，一聲聲道。道穀雨新晴，禁烟乍歇，清明來到。

滿庭芳

家家祭掃，畫船容與，白馬迢遙。提壺挈榼，沿村到，難



眉公集  
畫難描青竹杖半挑山色紫藤筐亂插花梢紅衫粉  
面爭調笑高呼低喚齊渡小溪橋

普天樂

北邙山東陵道英雄氣盡松栢蕭蕭太極兒虛圈套  
一片斜陽閑花草到如今白骨堆高紅顏粉銷狐狸  
來吊野鳥悲號

折桂令

一場扯淡滿眼蕭條舊墳兒却翻了新墳短蒿兒却  
變了長蒿老農也難曉把三尺白泠泠的短鋤來犁  
着唐寢兒不分茅草漢陵兒任意蘇樵麥飯誰挑椒  
酒誰澆蒼兔青蠅夜夜朝朝

錦上花

粉塑的骷髏十分輕俏泥塑的皮囊百般喧鬧蟻穴  
裡肌肉浪薰麝腦鴉啄上肝腸在弄花巧

么

牛羊眠一回牧童睡一覺兒孫們在那一處兒耍笑  
七尺碑向神前路踉蹌撲倒龜背的文章拈不出了

碧玉簫



洒淚荒郊天地摠虛泡挂劍松梢凡聖摠衰草忒懊  
惱紙錢飛鬼憐號風雨又飄行人又勞杜鵑喚道歸  
來好

鴛央煞

彈丸世界多煩惱轆轤心地多顛倒名利何時了隙  
中駒夢中鹿空中鳥恨只恨聖賢拘繫的急造化提  
戲的巧一杯土匆匆草草空博得滿地桃花紅零星  
没人掃

右余所撰非曲每於花影月陰時自歌自飲梁伯

龍云老子見之當低首攢眉不獨喚醒俗兒醉夢  
也

步步嬌

遙憶去年橋上會中多少豪英長溝流月去無聲杏  
花踈影裡吹笛到天明

醉春風

題小濤扇頭紅梅

道是桃花不是道是杏花不是曾記曾記恰似小濤  
初醉

點絳脣

暮春同仲文振之過悟宗上人山寮  
題壁



春草如雲夜來繡出生公石鳥啼山寂送盡遊人屐  
有一沙彌獨掩毘耶室茶烟碧峯頭月出床上松  
花白

松下樂

和張伯雨

年來何事太清涼跳出鈎人名利場滿園林竹樹紛  
紛長舉杯時細草斜陽掃蒼苔拂白石說一餉逍遙  
話供一爐清淨香要眠時藤枕繩床

陳眉公集卷之四



